



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XVII. Cùm super &c.

[urn:nbn:de:hbz:466:1-62587](#)

rem secundum quem agi possit interdicto possessorio pro juribus mere personalibus ad pensionem solvendam, vide quae dixi in *c. Querelam.*

2 Not. II. Actus, ad cuius substantiam requiritur scriptura, videlicet lata sententia *c. vlt. h. tit. in 6. I. 2. C. de sententiis ex periculo recitandis*, probari potest per duos testes, si scriptura deperdita sit. *c. Cum olim. 12. de privileg. & notat Abbas hic n. 4. Massard. de probationibus concl. 908.* Vbi ait tria hoc casu esse probanda videlicet actum celebratum fuisse, instrumentum super eo confessum, illudque amissum, juxta *I. testimoniis. 18. C. de testibus.* & videri potest *Rald. ibi. n. 3.* Vbi ait: quod instrumenta interdum perduntur casu fortuito, videlicet incendio, naufragio &c. tunc qui casum allegat, debet eum probare, probato autem casu, sufficiunt duo testes ad probandum instrumentum & tenorem eius; verum quod attinet ad casum amissionis, si probatio difficultis sit, ad conjecturas, presumptions, & juramentum configiendum erit. Vide *Felin. hic & Canonicis. in c. Cum olim.*

3 Not. III. Sententia Iudicis valida est, tametsi nulla in ea causa expressa sit. Ita *text. Egl. recepta hic verb. exprimantur. Durand. in speculo. I. 2. p. 3. tit. de sententia. §. 5. n. 3.* Vbi ait: consultius esse Iudici, ut causam nullam exprimat, ne, si fallam seu juri repugnantem alleget, tententia vitietur. Veruntamen *Durand. ibidem. & Gl. cit.* casus afferunt, in quibus necesse sit in sententia causam exprimere, videlicet in causa *appellationis cap. Cum Berthold. 18. h. tit.* Si Iudex propter ineptitudinem libelli reum absoluat, *c. Examina. ta. 13. de judicio.* Si endem absoluat non simpliciter, sed ab instantia judicii. *I. Propre. randum. 13. §. illo. C. de Iudicio.* Si Iudex sententiando recedat ab ordinario jure. v.g. viatum in expensas non condemnnet. *autb. de jud. §. oportet. collatione b.* Si reum absoluat, eo, quod non possideat in judicio vindicationis *cap. penultimo, de exceptionibus.* Denique sententiae excommunicationis causa exprimenda est. *c. 1. De sententia excommuni. cationis in b.*

Verum Abbas hic generatim defendit traditam Regulam, quod per se loquendo necesse non est ad sententiae valorem, ut causa exprimatur, licet interdum per accidens, si ve ad quosdam effectus id necessarium sit, nam damnatus, v.g. tutor ex una causa, videlicet ob dolum commissum, efficitur infamis, securus autem, si ob negligentiam a tutela remouetur, *I. Ha enim. 4. ff. de suspect. toribus.* Vbi tamen dicitur, si in sententia non exprimatur causa, quod mitius est, presumendum esse, ut ob negligentiam tantum amotus censeatur. Index quoque appellationis causam suæ sententiae dicere non tenetur, nisi quod æquum sit ad conseruandum Iudicis prioris honorem, si sententia ex nouis actis rescindatur, ut id exprimatur. *c. Cum Ioannes. 10. de fide instrum.* & idem ferme est in aliis supradictis casibus, excepto casu latae excommunicationis, in quo causa necessaria exprimenda est necessitate precepti, non autem ut aliter sententia non valeat.

Not. IV. Si constet sententiam a Iudice latam esse propter judicariam auctoritatem, presumitur, omnia legitimè facta fuisse, exinde colligit hic *Abb. n. 6.* si testes deponant de actu sententiae latae, presumptionem inde oriri, quod in scripturam redacta fuerit, cum scriptura pertineat ad substantiam sententiae judicialis, saltem in causis aliquius momenti, *I. 2. & autb. n. 5. breves. C. de sent. ex periculo &c.*

Deberent tamen testes de hoc ipso examinari, num audierint sententiam ex scriptura recitaram, iuxta *cit. I. 2.* quod si vero ex antecedentis judicij actis constet, quod testes deposuerint de sententia lata, tum locus est doctrinæ Abb. quod censeatur deposuisse de sententia lata legitimè, videlicet ex scriptura.

CAPITVLVM XVII.

Cum super &c.

PARAPHRASIS.

Controversia erat inter Episcopum Aurensem

sem & Monasterium Cellæ nouæ super subiectione eius, in ea causa plures sententiæ pro Episcopo lata fuerunt, quibus & Monasterium & Episcopus Ouentensis (cui Monasterium subiectum asserebatur) se grauari existimârunt, & id est ad Sedem Apostolicam appellârunt, pe-tentes, ut sententia executioni non mandaretur, sed quia ex parte Monasterij nihil rationabile allatum fuit, cur sententia pro Episcopo lata retrahari deberet, eam Pontifex in ordine ad Monasterium confirmandam esse censuit; at verò si constiterit, appellationem pro Episcopo Ouentensi rationabiliter impositam fuisse, & ad eam prosequendam nuntium intra terminum temporis legitimum fuisse definatum, executionem sententiæ differendam esse, ne dicta Ouentensis Ecclesia circa possessionem juris erga Monasterium patiaratur detrimentum, alioquin verò sententiam, sicuti justum fuerit, executioni mandandam esse absque Ouentensis Ecclesiæ præiudicio. Quandoquidem hæc non præiudicant isti Ecclesiæ, quo minus consequi possit, quod rationes eius ostendunt; cum res inter alios acta, ordinariè loquendo, secundum Canones, alteri obesse non debent.

S U M M A R I U M .

1. Ab eadem sententia potest appellare non tantum victimus, sed etiam tertius, cuius interest.
2. Causa specialis est, in quo cuilibet appellare licet, tamen si eius non interfit, nempe si aliquis trahatur ad supplicium, quem alius innocentem ostendere velit, tenet appellatio, etiam iniuste eo qui trahitur, & mori volente.
3. Appellations in causis criminalibus in Imperio non recipiuntur.
4. Principali in causa succumbente, etiam appellatio, potest tamen si cuius interest, à sententia legitime appellare, suspensa eius executione, dum huius causa cognitast.
5. Appellatio tamen hec fieri debet intra decendum, doceri etiam quod appellantis inter-

terfit, & adhuc causa rationabilis appellandi.

Not. I. A sententia inter aliquos lata, a lius appellare potest, cuius inter est, seu cui ex sententia præiudicium aut damnatio proueniret, tametsi ipse judicio non interfuerit. *l. à sententia. s. ff. de appell. consentit cap. Cūm inter. 16. de electione.* Vbi dicitur, appellationem ei concessam non esse, cuius non interest, vnde per sensum contrarium colligitur, si alicuius interfit, appellationem ipsi concedi.

His addit, esse casum specialem in quo cuilibet appellare licet, tamen si eius non interfit, videlicet: si aliquis ad supplicium trahatur, quem alius innocentem esse ostendere velit, ideoque differendum supplicium esse dicat, tametsi is, qui trahitur, inuitus sit, seu mori malit. *l. 6. ff. eodem.* Vbi dicitur, quod non tantum ei, qui ad supplicium dicitur, procurare permittitur, verum alii quoque nomine eius, tametsi resistat, qui damnatus est, & perire festinans. *vbi gl. Marg.* admonet, id est confidenter, se occidisse hominem, non puniri, praetextu confessionis, nisi constet de corpore occiso, quia non auditur perire volens.

Pro pleniore intellectu videri potest *l. 2.*

C. Quorum appellations non recipiuntur. Vbi habetur in duobus casibus, appellationem recipi post latam sententiam, in tali criminali causa; videlicet si conuictus Reus dicitur, sed non confessus, aut si confessus sit ob tormentorum metum; Veruntamen in Imperio appellations in causis criminalibus fermè non recipiuntur.

Not. II. Tametsi is, qui principalem causam egit, succumbat, seu sententiam contra se ferat, tamen id non debet obesse alteri, qui sua interesse ait; & id est à latâ sententia legitimè appellat; immo tametsi is, cuius causâ principaliter agitur, etiam appellavit, & in causa appellatio succumbat, non debet tamen sententia executioni mandari, donec & ipsius causa, qui ob interesse suum appellavit, etiam audita sit. Veruntamen necesse est, ut intra tempus legitimum, vide-licet 10. dierum, appellatio fiat, & doceatur in-

interesse eius, qui appellat; denique adesse causam rationabilem appellandi: nam iure ordinario nemini conceditur appellatio, præter eos, inter quos causa acta fuit, cum itaque iste, cuius interest, iure speciali veniat, ostendere debet rationabilem subesse causam, sicut in simili *sup. int. Quod ad. 15. b. tit.*

Quod si verò vnum ex his desit, quia intra 10. dies is, cuius interest, appellare intermisit, vel causam rationabilem docere non potuit, tum distinguendum, num scivit, an ignorarit causam agi & sententiam latam esse; si ignorauit, certum est, quod ipsi nullo modo præiudicari debeat, quare sententia executioni mandanda non est, si is in possessione. v. g. subiectionis existat, quia præiudicium ei fieret, si possessio auferretur, id est, Clerici, qui hactenus obedientiam & fidelitatem Episcopo Ovetensi præstiterunt, nunc Auriensi Episcopo præstare juberentur. *arg. cap. Veniens. 38. juncta gl. verb. utraque pars. de testibus.* Sin autem scivit & tacuit, aut si intra tempus legitimum non appellauit, tunc executio fieri debet, salua tamen proprietatis questione, si causa ipsam in judicio petitorio deducere velit; nō enim obstabit ei res judicata, quia, quæ inter alios acta sunt, aliis non cere non debent, & haec est interpretatio *Gl. communiter recepta hic verb. non noceat. Ioan. Andr. n. 11. Imol. n. 2. vbi aiunt: quod in hoc casu præiudicium fiat quoad possessorum, non item quoad jus proprietatis, quamvis contrarium doceat hic Abb. n. 7.* neque quoad possessionem præiudicium fieri oportere, ideoque executionem etiam tali casu differendam esse: sed communis interpretatio aperte colligitur ex textu, quando dicitur: si Episcopus Ovetensis ob causam rationabilem & intra tempus legitimum appellauit, executionem sententiae differendam esse, ne Ecclesia eius circa possessionem detrimentum patiatur: alioquin (id est, si non intra legitimum tempus appellatum sit) executioni mandandam esse sententiam, tamen sine præiudicio Ecclesiae Ovetensis quo minus ipsa suas rationes & jura postea proponere possit.

Neque mirum videri debet, quod in hac causa subiectionis executio fiat, cum præjudicio possessionis, partim quia sibi imputare debet possessor, quod causam agi passus est, sententiam ferri, & in rem judicatam transire, partim quia possessio non nisi indirecè & per consequentiam ei auferetur, eo quod Ecclesia duobus subdita esse non posset, ac proinde dum vni Episcopo obedientiam præstare cogitur, alteri quodammodo subtrahitur.

CAPITVLVM XVIII.

Cùm Berchtholdus &c.

PARAPHRASIS.

Berchtholdus miles pagum suum P. militi hypothecæ nomine obligauit, mortuo P. hæres & nepos eius A. vacante Ecclesiâ eius loci D. Clericum præsentauit, alferens jus patronatus ad ipsum vñā cum bonorum universitate transisse, ea propter Archidiaconus dictum D. ex Episcopi consensu instituit, inducens ipsum in possessionem corporalem, sed & Bertholdus fundi Dominus Sacerdotem T. Episcopo præsentauit, qui tamen eum non admisit; quapropter dictus T. item mouit D. coram Remensi Episcopo Apostolicæ Sedis Legato, qui illam Indicibus quibusdam delegauit eam formâ, vt causam examinatam & instructam ad ipsum remitterent; sed cùm D. Clericus cum attestacionibus suis adveniret. T. autem nec per se, nec per Procuratorem ad constitutum ipsi terminum compareret, Archiepiscopus inspectis dicti Clerici attestacionibus, cum ab imputatione Sacerdotis judicialiter absoluit, eidem silentium super Ecclesia memorata indicens, postea verò idem T. ad Archiepiscopum intra breve tempus accedens, justam absentiae causam allegauit. Tunc Archiepiscopus Argentino electo Episcopo, & quibusdam aliis per literas mandauit, vt si justam coram eis absentiæ causam ostenderit, priorem sententiam nullius roboris esse